

ՀԱՆՐԱՅԻՆ ՊԱՇՏՊԱՆՆԵՐԻՆ Է ՆԵՐԿԱՅԱՑՎԵԼ ՀՊԳ ՂԵԿԱՎԱՐԻ ՏԵՂԱԿԱԼԸ

22.09.2017 14:27



ՀՀ փաստաբանների պալատի հանրային պաշտպանի գրասենյակի ղեկավարի տեղակալ Է Նշանակվել փաստաբան Լյուդվիկ Դավթյանը: Հանրային պաշտպանի գրասենյակի ղեկավարի նախկին տեղակալ Վարսեր Կարապետյանը Միացյալ Նահանգներում վերապատրաստվելու (Fulbright scholar program) նպատակով ազատվել էր աշխատանքից:

Ներկայացվում է Լյուդվիկ Դավթյանի համառոտ կենսագրությունը:

Լյուդվիկ Դավթի Դավթյանը ծնվել է 1984թ. հուլիսի 4-ին ՀՀ Շիրակի մարզի Արթիկ քաղաքում:

2005թ. գերազանցությամբ ավարտել է Երևանի պետական համալսարանի իրավաբանական ֆակուլտետի բակալավրիատը, 2007թ.՝ մագիստրատուրան: Նույն թվականին ընդունվել է ԵՊՀ ասպիրանտուրա (Իրավագիտության ֆակուլտետի Քրեական դատավարական և կրիմինալիստիկայի ամբիոն):

2007-2008թթ. աշխատել է ՀՀ կենտրոնական բանկի Եվրոպական ինտեգրացման բաժնում որպես մասնագետ:

2008-2009թթ. հրավիրվել է Շվեյցարիայի Լոզանի համալսարանի իրավագիտության և քրեական գիտությունների ֆակուլտետ՝ թեկնածուական ատենախոսության թեմայով գիտական հետազոտություններ կատարելու նպատակով:

2010թ. ԵՊՀ խորհրդում պաշտպանել է թեկնածուական ատենախոսությունը և ստացել իրավաբանական գիտությունների թեկնածուի գիտական աստիճան (թեմա՝ «Հայոց լեզվով կատարված տեքստերի կրիմինալիստիկական հետազոտումը՝ հեղինակին պարզելու նպատակով»):

2010-2011թթ. աշխատել է ՀՀ Գիտությունների ազգային ակադեմիայի «Փորձաքննությունների ազգային բյուրո» ՊՈԱԿ-ում որպես իրավախորհրդատու՝ միաժամանակ դասավանդելով Երևանի Եվրոպական Կրթական Տարածաշրջանային Ակադեմիայում:

2011-2012թթ. օգոստոսին հրավիրվել է Շվեյցարիայի Լոզանի համալսարանի իրավագիտության և քրեական գիտությունների ֆակուլտետի Դատական փորձագիտության ինստիտուտ՝ որպես հրավիրված դասախոս գիտական հետազոտությունները շարունակելու նպատակով: Շվեյցարիայի Համեմատական իրավագիտության ինստիտուտի փորձագետ է:

2012թ. հուլիսից ՀՀ փաստաբանների պալատի անդամ է:

Լյուդվիկ Դավթյանը մի շարք գիտական հոդվածների, ծեղնարկների և այլ գիտական աշխատանքների հեղինակ և համահեղինակ է:

Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })